



ՄԱՅՐ ԱԹՈՒՈՒՄ

ՊՏ-9622

* *

* *

Հունվարի 21-ին՝ կիրակի.—Բ կիրակի զվեի ծննդեան.

Փետրվարի 4-ին՝ կիրակի.—Դ կիրակի ծննդեան.

Մայր տաճարում պատարագեց արժանապատիվ տ. Մկրտիչ քհն. Մկրտչյանը, բարողեց հոգ. տ. Շնորհք վրդ. Գասպարյանը՝ «Հոգին է կենդանարար, մարմին ինչ ոչ օգնէ» (Հովհ. Զ 64) բնարանով:

Մայր տաճարում պատարագեց արժանապատիվ տ. Հովհաննես քհն. Մարուքյանը, բարողեց հոգ. տ. Ներսես ծ. վրդ. Պողասպարյանը՝ «Ես եմ հովիւն քաջ՝ հովիւ քաջ զանձն իւր ղնէ ի վերայ ոչխարաց» (Հովհ. Ժ 11) բնարանով:

* *

* *

Հունվարի 28-ին՝ կիրակի.—Գ կիրակի զվեի ծննդեան.

Փետրվարի 7-ին՝ չորեքշաբթի.—Այսօր Մայր Աթոռ ս. էջմիածին ժամանեց Ռումինիայի և Բուլղարիայի թեմերի բարեխնամ առաջնորդ գեր. տ. Տիրայր եպս. Մարտիրոսյանը: Օղանավակայանում սրբազան հորը ղիմավորեցին հոգ. տ. Նարեկ վրդ. Շաքարյանը և շնորհունակ Հովհաննես սրկ. Հակոբյանը: Մայր տաճարում իր ազոթքը կատարելուց հետո տ. Տիրայր եպիսկոպոսը Վեհարանում ընդունվեց Վեհափառ Հայրապետի կողմից:

Մայր տաճարում պատարագեց և բարողեց հոգ. տ. Ներսես ծ. վրդ. Պողասպարյանը՝ «Ես եմ հացն կենդանի» (Հովհ. Զ 51) բնարանով: Հավարտ ս. պատարագի կատարվեց հոգեհանդիստ՝ նոր հանգուցյալ գեր. տ. Վարդան եպս. Տեր-Սահակյանի հիշատակին:

Ս. պատարագին ներկա էր Վեհափառ Հայրապետը:

* *


* *

Փետրվարի 2-ին՝ ուրբաթ.—Երեկոյան ժամը 6-ին, Վեհափառ Հայրապետի բարձր նախագահության ներքո, գումարվեց Գերագույն հոգևոր խորհրդի հերթական նիստը, ուր քննության առնվեցին և հաստատվեցին 1968 թվականի մարտի 28-ից ապրիլի 5-ը Պրագայում քրիստոնեական եկեղեցիների խաղաղության համագումարին և հուլիսի 4-ից 20-ը Ուփսալայում եկեղեցիների համաշխարհային խորհրդի 4-րդ համաժողովին հայ եկեղեցու մասնակցության հարցերը:

Վեհափառ Հայրապետի առաջարկով Գերագույն հոգևոր խորհուրդը արձանագրեց մասնավոր եկեղեցական պատվիրակությունների ուղարկումը երկու համաժողովներին:

Փետրվարի 9-ին՝ ուրբաթ.—Երեկոյան ժամը 6-ին, Վեհափառ Հայրապետի բարձր նախագահության ներքո, գումարվեց Գերագույն հոգևոր խորհրդի հերթական նիստը:

Գերագույն հոգևոր խորհրդի նիստին հրավիրված էր նաև ներկա լինելու ուխտավորաբար Մայր Աթոռում գտնվող Ռումինիայի և Բուլղարիայի թեմերի առաջնորդ գեր. տ. Տիրայր եպս. Մարտիրոսյանը, որը ղեկուցեց 1967 թվականի հոկտեմբեր-նոյեմբեր ամիսներին, Վեհափառ Հայրապետի արտոնությունով և Արևմտյան Եվրոպայի հայրապետական պատվիրակ գեր. տ. Սերովբե արքեպ.



Մանուկյանի հրավերով, Փարիզ, Լիոն, Մարսել և Լոնդոն իր հովվական այցելությունների և տպավորությունների մասին:

Գերագույն հոգևոր խորհուրդը գոհունակությամբ արձանագրեց գեր. տ. Տիրայր եպս. Մարտիկյանի բանավոր տված ղեկուցագիրը: Նխառի վերջում Վեհափառ Հայրապետը, հանուն ժողովի, իր գոհունակությունը հայտնեց դեր. տ. Տիրայր եպիսկոպոսին՝ մաղթելով նրան լավագույն հաջողություններ իր պաշտոնավարության մեջ:

* * *

Փետրվարի 11-ին՝ կիրակի.— Ե կիրակի զվնի ծննդեան.

Մայր տաճարում պատարագեց հոգ. տ. Մուշեղ վրդ. Պետիկյանը և քարոզեց «Ամենասուրբ Երրորդութեանն ընտրեալ ծառայ և հաւատարիմ, յաղթող սպառազէն և քաջ նահատակ, երազահաս սուրբդ Սարգիս շնորհաց օթեան» (Շար.) բնաբանով:

Այսօր առավոտյան Մայր Աթոռից և Վեհափառ Հայրապետից հրաժեշտ առնելով, իր պաշտոնատեղին մեկնեց հոգ. տ. Շնորհք վրդ. Գասպարյանը, որը շուրջ երկու ամիս ուխտավորաբար գտնվում էր Մայր Աթոռում:

* * *

Փետրվարի 13-ին՝ երեքշաբթի.— Երեկոյան Մայր տաճարում տեղի ունեցավ Տյառնդառաջի նախատոնակը՝ հանդիսադրությամբ Վեհափառ Հայրապետի: Եկեղեցական երգեցողությունները կատարեցին հոգևոր ճեմարանի սաները:

Ժամերգությանը ներկա էին բազում հավատացյալներ և հոգևոր ճեմարանի դասախոսական կազմը:

Ժամը 7-ին Վեհափառ բաղում, ի ներկայության Մայր Աթոռի միաբանության, հոգեվոր ճեմարանի դասախոսական կազմի և ուսանողության, Վեհափառ Հայրապետը վառեց Տյառնդառաջի ավանդական խարույկը, որի շուրջ ուսանողները երգեցին և ուրախացան:

Ժամը 8-ին Վեհափառ Հայրապետը բարեհաճեց ընթրիքին իրեն սեղանակից դարձնել Մայր Աթոռի միաբանությանը և հոգևոր ճեմարանի դասախոսական կազմին:

* * *

Փետրվարի 14-ին՝ չորեքշաբթի.— Տեսարեղառաջ.

Մայր տաճարում պատարագեց արժանապատիվ տ. Նշան քհն. Բեյլերյանը:

